

صباي ۱

مايس ۹۲۷

ييل ۱

فلسفه و اجتماعيات

مجموعه سي

مؤسسي

آگاه سري

استقلال ليسه سي مديري
وادبيات معلمي

مديري

محمد روت

قياپاش ليسه سي فلسفه و اجتماعيات
وتجاوت مکتبي اقتصاد معلمي

آيده بر نشر اولونور

بر صايدره

مقدمه فلسفه و اجتماعيات مجموعه سي

نظري قسم : « ايش » ك تعريف حقنده بر قاج نوط . . محمد روت

مربسي قسم : بيلكي موضوعلري آراستنده لسان رافع هلوحي

شكل نظريه سي دوكتور اوردهانه سعد الدينيه

ديوان ادبياتي : كلهل ورمزل آگاه سري

افلاطونك اجتماعي فكلرلي هانمي سنج

اتجار هلممي ضيا

هندسه نه در ؟ رديفقنوره

نظيقي قسم : ويركو سياستمز دوكتور عمر جهول

ليسه و معلم مکتبلرنده اجتماعيات پروغرامي هلممي ضيا

تحليل و تنقيير قسمي : اجتماعيات : علي كامي م . ت .

مختلف مجموعه لوده منتشر مهم يازيلر

اداره خانه : استانبول - جنبرلي طاسه - استقبول ليسه سي داخلنده دأره مخصوصه

استانبول - مطبعه ابوالضا

تدریسی قسم



لسانیات :

بیلکی موضوعی آراسنده

لسانه

عامره مثبتجیلک

علملرک انکشافی تاریخنده « به قن » زماندن باشلا یوب « قونت » دورنده تیلر ایدن مثبتجیلک عمده سنک مختلف بیلکی موضوعی آراسنده طبیعی « لسان » ه عائد تلقیلر من اوزرینه ده تأثیری اولاجقدی . فی الحقیقه بوانکشاف سایه سنده درکه « لسان » حقنده اسکی علمک کوروشلری ایله یکی علمک آ کلایشی آراسنده ایکنجینک لهنه بویوک بر فرق حاصل اولمشدر .

عمومیتله دینیه بیلرکه اسکی علم ایله یکی علم آراسنده کی فرق اولکینک واقعلری چوق مجرد، صوکر اکنک ایسه چوق دها مشخص بر طرزده کوروب کو سترمه لرندن عبارتدر . بواعتبار ایله ، حقیقتی وحیاتی تصویر نقطه نظرندن علم ایله صنعتک روللری بر برینه یاقلاشیور . شو فرق ایله که علم ماهیتی اعتباریه شیشی ، صنعت ایسه نفسی وصفی حائزدر . بونی خلقمنز آراسنده شایع مشهور حکایه ایله ده تمثیل ایده بیلیرز : کویلولر کندیلرینه امام سچه جککری زمان موجود نامزدلردن ایکی خوجانی امتحان ایچون بونلره صیراسیله برر « اوکوز » یازمه سنی تکلیف ایتمشلر . خوجالردن بری « اوکوز » کله سنی یازمش ، رد اولونمش ؛ اوته کیسی رسمنی یامش ، قبول ایدیش . بو حکایه ده کویلولو دیدیکمز عصری بشریتدر . یکی زمان علم اربابی ایسه حقیقتی تصویر ایدرکن کویلولنک قبولنه مظهر اولان خوجانک حر کشته امثال ایدنلردر . بونکله برابر اسکی علم ایله یکی علم دوری آراسنده مثبتجیلک نقطه نظرندن قطعی بر حدود چیزیه مز ؛ چونکه تماماً سقولاستیک دیدیکمز مدرسه دورینه منسوب عد اولونان قرون وسطی (اورتا زمان) دارالفنونلردن برنده « اولمش بالیغک جانی غائب اولوب اولمادیغی » حقنده بوتون فاکولته لرجه مشترک بر موضوع وبرینه سی اوزرینه فاکولته لردن یالکوز برینک ، « بالیغی جانلی ایکن واولدکن صوکر ا ترازیده طارتمق صورتیه حیوانک ثقلتنده

بر فرق اولوب اولمادیغنی « آراشدیردیغنی قید ایدیلیرکن دیگر جهتدن عینی دوره منسوب عرب - اسلام طیبیلرندن بعضیلرینک مختلف خسته لقلر حقنده کی مطالعه لرینی بوکون « سریری » تعبیرله افاده ایتدیکمز قلینیک مشاهده لره استناد ایتدیردکری ده سویله نیور .

مفهوملرک تحلیلی لزومی

علمده مثبتجیلک حکم ویا تصدیقلمزک نفس الامرده یعنی واقعه دهها زیاده مطابق، باشقه بر تعبیرله حقیقته دهها یاقین اولماسنی تأمین احتیاجنک بر افاده سیدر. اسکیلرک صوری منطقی « حکمده خطادن احتراز و حقیقته تماماً اصابت » ایتیش اولمق ایچون وضع ایدیش بر طاقم قاعده لردن عبارتدی . یکیلرک تطبیقی منطقی ایسه بو عمده نک دهها زیاده دقیقه شدیر یله رک موضوعلره کوره تنويعندن باشقه برشی دکیلدر . کرک صوری و کرک تطبیقی منطقک الک اساسلی قاعده لردن بری ایسه هر هانکی بر موضوعی « معامله » ایتزدن اول بو موضوعی « تعریف ایتک » یعنی تشکیل ایتدیکی مفهومه دلالت ایدن لفظک قیمتنی تعیین ایله مکدر. ایشته پک معروف و مقبول بر عمده اواقله برابر چوق کره بوکا کافی درجه ده رعایت ایدیلده مش اولماسی نتیجه سنده ، علم و فلسفه تاریخنده نه بویوک یا کشلقلزده میدان ویریلدیکی و بویا کشلقلرک نیجه زمانلردن و نیجه زحمتلردن صوکر تصحیح ایدیلده بیلدیکی خاطر لاتیلغمه بیه دکمه ن بر متعارفه در. اولیه ایکن دقت ایدیلسه کورولورکه بوکون بیه مختلف علم ساحه لرنده کی مناقشه لرک بر چوغی ایکی طرفک استعمال ایتدکری کله لرک قیمتنه و بونلرک شمول و تضمنلری درجه سنک تحدیدینه کافی درجه اهمیت ویرمه لرندن ایلدری کلمکده در .

« لسان » مفهوملرک محتواسی

اسلام - شرق عالمنده « لسان » مفهومی الک اول « کلام » تعبیرله افاده اولونمش ایدی . فی الحقیقه قرآن کریم « کلام الله » ایدی . حالبوکه بزم بوکون لسان تعبیری آلتنده آکلادیغمز مفهوم عربجه ده « لغت » کله سیله افاده اولونور . « کلام » ده « تکلم » معناسی واردر . تکلم ایسه ، بوکونکی معناسیله ، « نطق » قابلیتی ، ملکه سی دیمکدرکه « ناطقه » به تقابل ایدر . « نفس ناطقه » ترکیبنده اولدیغنی کبی « عقل و تفکر » معناسی یالکز منطق کلمه سنده قالمشدر . غرب عالمنده ایسه ، لاتینجه loquela ، فرانسزجه langage ، انکلیزجه language و آلمانجه Sprache کله لرنده کورولدیکی وجهله نطق ویا تکلم (parole) ملکه سیله اصل لغت ولسان (langue) مفهوملری آراسنده بر تفریق یاییله مامشدر .

ایشته بومفهوملر ایجه آیرد ایدیه مش اولدیغنددرکه صوک زمانلره قادار «لسانک منشأی ویا نشأتی» عنوانی آلتنده بر چوق اصلسز نظریه لر میدانه کمش ، فقط نهایت آ کلاشیلمشدرکه «نطق» دینیلن ملکه ایله اونک محصولی اولان «لسان» آیری آیری شیر اولوب نطق ملکه سی انسانی بشریات نقطه نظرندن سائر حیوانانندن فرقلیلاشدیران وصفلردن بریدر. خاصه ادراکک مفهومی شکلی ایله مرتبط و متلازم اولدیغی ایچون اونکله برلکده نشأت وانکشاف ایتشدر. بوملکه نك محصولی اولان لسان ایسه صوکرادن عائد اولدیغی اجتماعی زمره نك عمومی حیاتنك اوزون زمانلره محتاج اولان انکشافی نتیجه سنده حصول بولمشدر. بناءً علیه آرارلنده تعینی ممکن اولمایان بر زمان فاصله سی واردر.

خلاصه لسانیاتک اک برنجی مسئله سی عد اولونان «لسانک ولسانلرک منشأی» بحثی - بوکا عائد دینی و عنعنوی عقیده لر ضروریات دینیهدن اولمادقلری حسییه بر طرفه بر اقیله جق اولورسه - زمانمزده سلبی بر طرزده حل ایدیلمشدر. یعنی لسان مفهومک بر عصری اولان تکلم ملکه سنک انسان نوعنك نشأت وانکشافیه علاقه دار بر آن تروپولوژی مسئله سی اولدیغی وایکنجی عصری اولان متعضی لسانلرک منشألری ایسه قبل التاریخک قارا کلقلری ایچنده غائب اولدیغی آ کلاشیلمشدر.

لسانیاتک باشلی مسئله لری

لسانیاتک بوکونه قادار کچیردیکی تکامل صفحه لری حقنده بر فکر ایدینه ییلمک ایچون اشتغال ایتدیکی مختلف مسئله لرک وضع و حل صورتلرینی قیصه جه کوزدن کچیره لم: لسانک منشأی و لفظلره معنارلر بیننده کی مناسبت؛ لسان موضوعنك علملر آراسنده موقعی، لسانک طبیعی وعضوی جهتی (صوتیات و تجوید بحثلری) لسانک ذهنی وروحي جهتی (معنائیات و صرف ونحو قاعده لری) لسانک اجتماعی ومدنی جهتی (لغت، ادبیات و حرث مسئله لری).

لسانک منشأی یعنی طبیعی، صنعیمی اولدیغی مسئله سی یونان فیلسوفلری و اسلام علماسی طرفندن اوزون اوزادی به بحث و مناقشه و بوتون قرون وسطا مدنیته «اسمیه» و «حقیقه» دیه جکمز نومینالیزم وره آلیم سیسته ملری حالنده ادامه ایدلدکن صوکره یوقاریده سویله دیکمز کی منفی بر شکلده حل ایدیلمشدر. لسان علمنك موقعه کانه بوکا عائد مسئله لر قدیم یونانیلره عربلرده بالخاصه فلسفه نك منطق و بلاغت قسملرنده موضوع بحث اولمشدر. صوکرادن یونانیلرک

اسکندریه مکتبند «هومر» و سائر قلاسیک شاعرلرک؛ عربلرک عراق مکتبلرند «قرآن کریم» متنک شرحی و فصاحتک خللدن وقایه سی مقصدیله بر حرکت میدانه کلش ویا «فیلولوژی» ویا «علوم ادبیه» نامی آلتنده ذکر اولونان بوعلمی فعالیت نتیجه سنده بوتون حرثی علملر بر غروب حالنده طوپلانمش، بالاخره شرقده لسان و ادبیاته متعلق علملر علوم «آلیه» ویا «عربییه» نامیه اون ایکی علمدن مرکب آیری برزمره تشکیل ایله مشدر. غربده ایسه اون سکزنجی عصرده آلمان عالمرندن «وولف» خاصه «بوک» دن بری فیلولوژی نامی آلتنده بالخاصه قلاسیک دیدیکمز یونان ولاتین لسان، ادبیات، حقوق، دین و سائر حرث مؤسسه لرینک تاریخی آکلاسیلمقده در. بوکا مقابل اون دوقوزنجی عصرابتدالرنده آلمان ادباسندن «ف. شله غل» ک «هندیلیرک حکمت ولسانی» عنوانی اترینک نشرندن اعتباراً باشلایان سانسکریت، یونان ولاتین و سائر هندو واوروپالی لسانلرینک مقایسه سی «مقایسه لی صرف» عنوانی آلتنده یکی بر حرکت دوغورمش و بونک انکشافی نتیجه سی اوله رق «عمومی مقایسه لی لسانیات» وجوده کلمکده بولونمشدر.

لسانک عضریات، روحیات و اجتماعیات

لسانک عضویاتی دوغورودن دوغورویه لسانی شأنیتهک محسوس عنصرلری اولان «سس» لر و فیزیولوژیک تحصیل تحول شرطلریدر. اسکیدن بیلدیکمز «تجوید» ک نظریاتی دیمک اولان «مخارج» علمنده یونانلیلر و عربلرک سیستمه لرینه نظر آچوق دهها مکمل اولان هند سیستمه مندین استفاده ایدن عصری علم و قتیله بوساحه ده «فونتهیک» نامی آلتنده تماماً نظری بر صورتده مشغول ایکن شیمدی تدقیقاتی «تجربی فونتهیک» لابوراتوارلرنده یایمقده، دیگر جهتدن کلهلرک صوتی نقطه نظرندن تاریخی تحاوللرینی - بر بوجک قانادینک تدریجی انکشافی تدقیق ایدن مقایسه لی تشریح و فیزیولوژی عالمرینک مالک اولدینی درجه ده - دقیقیته تعقیب و مطالعه ایله مکده در. هنوز علمی سویه سی کافی درجه یوکسه لمه مش مملکتلرده کلهلر آراسنده کی ظاهری مشابهلره مستنداً یاییلان سطحی «اشتقاقجیلغه» بدل اوروباده بونلرک مرکب اولدقلری صوتی عنصرلرک ماهیت و ترکیلرینی، صوکره معنا جهتیله اولان قطعی ارتباطلرینی، عینی دقیقیته تحری و تثبیت ایدن بر علمی اشتقاقجیلق میدانه کلشدر.

لسانك روحياتى ايسه آنجاك اجتماعى روحيات اولابيلير . چونكه فردى روحيات سادهجه « نطق » ملكه سنك مه قانيزمه سنى اداره ايدر . حالبوكه « لسان » هر شيدن اول مشعور اتمزك « رمزى » بر صورتده افاده سيدر . بوكا بناء وفاقى يعنى اجتماعى بر ماهيتى حائزدر . مشعور اتمز ايسه طبيعت و جمعيت حياتندن كلن خارجى مطالره قارشى فردى و اجتماعى بنلكمزك بر تنبه و عكس العملندن و بوفعاليتك مترافق اولدينى تصور لرك بر تحليل و تركيبندن عبارتدر . بالخاصه آلمان عالمى « ووند » دن اعتباراً انكشاف ايدن عصرى روحيات سايه سنده منطقي ، روحى و لسانى مقوله لرك آبرى آبرى شيلر اولدينى آ كلاشيلمش و شيمدى يه قدار كله لرك تنوع و تركبلرينى منطقي چرچيوه لر داخلنده ايضاح ايدن « اسكى صرف » ، مقابل ، لسانده افاده ايديله جك شيلرك روحى محتوالرينه نظراً اجتماعى منطق طرفندن لسانى مقوله لرك ناصل تولالانيلديغنى كوسترن « يكي صرف » لر تدوينى تكليف ايدنلر اولمشدر .

اجتماعياتك انكشافى نتيجه سنده ده لسانى بنينه ك اجتماعى بنينه يه نظراً تحول اتمه سى لازم كلديكى عمده سى ايلرى يه سورولمش و بونظريه يى اثبات اچون تدقيقلره كيريشيلمشدر . فقط بوتدقيقات هنوز مطلوب بر درجه يه واراماشدر . بو خصوص يالكر شو قدار سوييله نه بيليركه جمعيتك بنينه سى ناصل اونى تركيب ايدن نفوسك مقدار و تجمع طرزينه استناد ايدنيورسه لسانك بنينه سى ده كله لرك مقدار و نوعنه و آراسنده كى تركب طرزلرينه تابعدر . شو حالده « مى بر جمعيتده لسانده مى اولور . » سوزندن آ كلايه بيله جكمز معنا شو اولابيلير : مى بر جمعيتده ناصلكه اجنبى قانونلرك حاكميتى الفا و اجنبى تبعه ك مقدارى تحديد ، نفوذلى تقيد اولونور ، بوسورتله تمثيللرينه چاليشيليرسه مى بر لسانده ده يابانجى قاعده لرك لغوينه واجنبى كله لرك مقدارينك تحديدينه و موجودلرينك تمثيلنه متوجه بر تمايل حاصل اولور . فقط بوتون بونلر چوق عمومى شيلردر . لسانك داخلى بنينه سنى علاقه دار اتمز . مثلاً مختلف لسانلرده صفتك موصوفدن اول ويا صوكر كله سى ، فعللرك جمله داخلنده كى يرلرينك دكيشمه سى ، معين بعض مركب مفهوم لرك اضافى ويا وصفى تركيب ويا مركب كله لرله افاده ايديله سى منسوب اولدينى اجتماعى زمره ك اقتصادى و حقوقى وضعيتيله ايضاح اولوناياز . اجتماعى تبدلر بالخاصه لغت ، ايكنجى درجه ده نحو و بالواسطه صوتيايه تاثير ايدر . فقط اصل صوتيات و شكليات منظومه سى جمعيتدن تماماً مستقل ، طبيعى و روحى بر شانيته راجعدر .